

BUSINA' 1986

Lettore Ah, j'ei propi el mur bon!
 A l'è du uri ca foma i ciulon,
 c'av parloma d'diau, d'mort e d'curnon,
 e voi i vori ancur stè que a piè u cicion!

A se?! Stè le, stè le, ma fè laurè u sicuton,
 perchè ra businà d'l'an pasà l'era in lacabon!
 Ma ist'ani u j'è dacc fora talmeint tancc mastion
 che per mandei zi ui va propi in bel sگردion.

Perchè, anca s'aurisu fev cuca anticipasion
 u j'è za da ste 'teint, u j'è da perdi er cavion!
 A n'oma da div... Pensè a ticc cui previon
 prima ticc bian, ades cucadein za nèi cme 'r carbon.

Poi, matrimoni chi scrusu o chi van a robaton
 seinsa che jein ui pudisa scumet-ti in buton.
 Per neint parlè dr'a melja, che fandra schè u j'è
 e ades as trovoma ticc in bel grup an su reinon...
 / brizà er pajon,

P2 Cmè..., magagni esi grosi con du paroli liquidaf ?!

Lettore Ma no!! Isti i son anmachi er fervaif !
 Ar quartiè j'avu ancur da cmensè, j'eru za bataf
 giuvu e vegg j'aurivu ticc er sò midaif.

E pò, t'at visi cul là, con culi là,
 e cul'otra là tit u di fisaja, con cul là...
 e jaucc doi che, per neint, i son andacc fina là...
 e cula povra dona, di, uà cse cu j'è capità...

P1 Ferma! Che an sta cunfision, a j'ò capì manc d'er fjà!
 Set bragali ? Is calè, cul là... t'smej in ansensà.
 E pensè che anca te t'devi esi jein d'cui ch'j'an stidià
 ma um smeja che an tu discurs, t'sei an pò sbariua !

I disu, an t'er pais, c'l'è za tit l'ani
 ch'iv trovi an t'ina cà, a riva Tani,
 a scrivi d'ist e d'cul, cme chi fisu d'er pitani,
 ma..se t'ai fai di du paroli an dialet, i son an t'er cani!

E i disu poi, an t'er pais, che st'eri neint laureà,
 it uardavu d'travers, t'pudivi neint antrè an cà.
 I fan tant i democratic perchè j'an stidià
 e poi i voru esi lur a tajè i culet a ra comunità.

E i disu fina che anca er cumedî is son rangiaî,
e'r part pî beli per lur i sia son riservaî,
e j'aurisu chi batu er man fin tant ch'is s'ja seju slaî!
E voi anlura, tej da deinti, ch'iv peju anca er braî !

P2 Ma se t'ai seimper da dî "i disu.. an t'er pais", d'in
/ ambalsmà!
Me, um smeja che t'ai sapi seimper te, er nuvità!

Lettore Ma se! Sèt son-ni! T'jeri anca te ant cula cà
e ansema a cui cumpositor, t'eri el prim di laurea,
e ades t'at tiri andrera, perchè u j'è tit er pais schierà!
Ades cambeja neint zachè, domsi neint d'er sapatà!

E pò, l'istà pasaja, i n'auter a j'oma tesorà :
t'at visi neint, propi te da ingegnè t'l'ai batsa,
e acsè, cuc dî dop, an ferie i l'an purtà
e per fei post, i disu, cucadein d'auter j'an lasà cà.

P2 Ah! U s'è laurea? Con tit cul teri cl'à da fè 'ndè,
us vig cui va na laurea anca per pudei arè.

Lettore Eh! Pover diau! L'ava na gran voja d'stidiè
ma ades, pitost che perdi na lira, el mord an t'in fer da siè!
Ma ades ste citu 'n pò, fem neinta perdi er cavion,
perchè st'ani d'robi a n'oma da divni da bon.
Tancc argumeint i son anpò d'er repetision
ma, con d'er sunadi novi, i tiru seimper r'atension.

Uardè 'n pò i previ, ticc 'iani i son an s'ra businà,
ma i vurrai meja dî chi s'la seju neinta cercà?!
Eh, cujon! Basta chi uardi an pò ra realtà :
an doi ani, quater a n'oma cambià!

Aveinda vist che iein a l'è mai bastà
con l'iltim turnu, in camiu i m'n'an scarià,
cme sabia e gera, frei e sureli j'an armiscià,
per truvè j'omi gist, fina an s'er Veneto j'an sgatà!

P2 Quasi ticc, perchè u retur,
almenu vardandli an t'er mur,
u smeja neinta d'la turn,...
però, ... u dev esi in am d'unur...

Lettore Oh za! U s'è dacc propi na bela organizzaion!
Prima er masnà j'andavu e j'annivu an titt er funsion,
anveci ades, ra geint an t'i banc, ticc a snungion
e an s'f'autè, a strafugnè, am-mac chil e i sò garson.

An gesia fim e udur d'inceins i mancu pì
e da ra fimeria, cucadein da bianc cl'era, fina nei l'è aunì.
Ancura sè che er masnà andè servi i poru pì
se nò anca lur a s'ja trovavu nei cme di ciblà!

Epira, ajoma mai vist ra gesia csi peina,
e a santa Vareinà, der bistì grasi cme na titeina!
us vigh che ra geint rà paura che ai sant ui gira ra leina.
A lè mei che'r maledision ui tena per ra so tmeina!

E pensè che , cme previ, u dimostra na gran voluntà;
minch'antant er porta ra geint da que e da là
an pusision, u s'ia rabela fina an cò di Linà
per benedì doi gratachì e na murunà .

Antant chil là poi l'autista per andè cà
perchè, se chi vori, anca ist u stà an sità
e lè , n'otra gesia l'à da dei na spargià
e u smeia che'r cuntrola diverse comunità.

PI Us fà meia servi ammachi a guidè!!
Anca ticc jaucc lavù u s'ia fa fè.

LETTORE T'ai rason, jan trovà na gesia d'arnuvè
e csè jan drubà tit er culur ch'javu da fè 'ndè
Neint cunteint d'tit ra gesia pitirè
anca Sèn Roch er quader i son andacc a vernisè.

PI Lasra buij, set venì a sinquantè!
Per in quader, us dis neinta vernisè!

LETTORE At digh cl'è veira, e là da fiach is son facc cuntagè
At vist che rasa d'ciaput ch'is son facc fè!
Ancontra ra cà, in quader c'us sà neinta se cl'è
mà.i disu che'r'j uri u serv a marchè.

Ma ev neinta voi na mustra da rigalè!
An sl'entrada, na scricia jian facc marchè
ant in dialet cu smeia quasi cul der freschè!

P2 Ma no! ammachi i profesur i capisu se cl'è!

LETTORE Eh!, ma ades ico profesur i cmeinsu quasi a stuffè!
neint a basta d'cui che a ra vila jan ausì stidiè
ui na riva anca d'ad fora, chi voru aunì a mustrè
chi cui stava, na vota anti noster pulè

E csè per sgatei, is son bità a scavè
e stè ataint, se no fina an cà i venu a scrapè
da na part, trovà an pò d'mon vegg, jan lasà lè a marsè,
da i n'otra , facc er bogg , sibit is son bità a quatè.

PI

Quatè per scondi! chi sà mai se ch'jan trovà!
Javu da scondi j'avans d'cula famosa griglià?
S'lè acsè , a capis che ra para jabu drubà
con tit cul ganasi cu jera cula sira 'ntra sucietà!

P2

Eh se!! SE 'nveci d'andè a quatè an co di Linà
Jeisu pruvà a stupè di boggs a san damian, o si da là!!

LETTORE

No! ma ferma, ferma, u smeia chi fasi an pò d'confision.
Da na part , i scavu per trovè der costrusion,
da l'autra, i sfoiu per trovè i milion
perchè, a ra cuperativa, ui trema r'aministrasion.

Er calur d'Aust l'è facc scupiè 'r bugnon!
U smeia che i sod jabu facc in gran fugaron.
A seinti, ticc i son pulid cme di santon.
Ma 'ntant chi che'r paga l'è semper pantalon.

PI

Eh se, cou su d'Aust u'iè propi da piè 'r balurdon!!
fina di matrimoni er fà 'ndè a rabaton.

LETTORE

Pusibu che u su in matrimoni er fasa slinguè ???!?!?!
Ah se, im avu dicc che 'ntra vila cucadein us dava da fè.
Propi ieina che 'nsema 'riautri rè mai andacia a belè
e dai fanciot dra Vila a sè mai facia uardè.

Us vigh ca na trovava d'iaucc andanda a laurè
per su lè ch'ra smeia propi in as da lavè!!
Fina su pari rè riusia a cuntagè
che, andanda an pension, er gadan u sè bità a fè.

P2

Ma no! Ades i sentimeint lasomij stè!!
Chisà quant situasion acse ant'er pais us pò trovè
L'è ura che di prubema dra pulitica t'cmeinsi a parlè,
perchè l'ani pasà a soma turna 'ndacc a vutè.

LETTORE

Eh se!! E pensè che d'schedi im n'an dacc na svarslà
ma'n mes ui n'era ieina cra bsava na cà.
Jei capì? R'era cula der quartiè, ca joma mansunà!!
E ades stè da seinti, che per isa u'iè staac in migg d'nuvità

Per fè 'r listi, u'iè stacc na gran preparasion.
Trei meis prima, ian cmensà a fè der riunion.
Ticc jaurivu fè ra lista, ma da scundon,
e avei ra lista pi longa , per smijè di capurion.

Per serchè i candidà, i giravu tit l'anviron
e i sia ciulavu d'iein d'l'auter, prumeteinda na pusisiòn.
Fina di furest jan tirà ant'er caudron
e a ra fein i candidà i'eru pi tance che 'r'i abitasion.

Dop a tance vers, er vutasion jan cambià manc der fià;
cucadein l'era cunteint e cucadein l'à brisà.
Poi, seinsa fè niente, jan lasà pasè tit l'istà
ma da suta, ognidein u cercava d'fes publicità.

Perchè, er presideint l'era neint ancora stacc numinà!!
u smiava che neint l'aurisa piesi ra respunsabilità
e csè, d'alsandia, per decidi, cucadein jan ciamà
ma neinta ticc, perchè iaucc jan lasà a cà.

Na bela sira, in editto u riva da ra sità
e lè u jera scricc chi cu duviva dirigi ra comunità.
Per su lè, in gran putiferi u s'è scatenà
perchè 'nlura d'jaucc pretendeint is son manifestà.

Cul numinà d'Alsandia l'os u l'auriva neint mulè
cul cu jera prima, alvandij ra careia u s'è bità a bragalè
"Me a jo ra magiuransa, a mè um specia d'omandè,
se nò, er baston ant'er rovi at sercherrò d'bitè!"

senteinda acsè, jaucc cunsigliè a risiè jan cmensà.
"Stè da seinti er partì"!! U diva jein anfularmà.
"Auroma vutè con cusiensa!" i rispundivu anrabià.
Ant in canton, citu citu, u stava er presideint designà.

Ū spiciava ra vota boñna, come in gat an canteina
che antant i partì i son bon a fet andè an s'ra Leina!
Ui ven 'nautra riunion, ma ui tira in aria feina
ticc i rivu alineà, con an man ra capleina.

Che gran cambiameint! Se cu jera capità?
Cor cap di suczialista u s'era acurdà!

PI

Chi c'lè er cap di suczialista? In'auturità?

LETTORE

Que a ra vila l'è cul gros er presideint ad'ra suozietà

E pensè che fina a ieri i risiavu ticc i di.
Fina a ieri... ! Perchè ades, per pudei andè sù,
i smeiu doi can ch'is nasu er chi!!!

Basta chi seiu sudisfacc J'interesi di parti

e cse, se cu jè armas., dop a tance mastion?
A forsa d'nervum a san Puren ui tira u tron.
Ra sarà meia lè cra stideia turna cuicos d'bon
per fè come l'autra vota, andè turna ans'er carion?

An tra vila, anveci, der butigli i na drobru an quantità
Perchè is seintu sichir: jan er culur dra sità.
Per risolvi i prublema ui basta na telefonà,
u ciamà u sendic e ui na rabata sibat na camionà!!!

Noi a sa scardoma chi fasu i fos aulong a ra strà
anveci lur i venu què amma_chi per fè der bicerà!!
a paroli, u smeia chi sapu fè andè bein tit cul cui va mà,
ma foma atension a neinta truvesi ant i pastis beia sversà.

P2

Se se!! Ma ades cambeia discu che ta m'ai sa stufà
pusibu che con ra pulitica T'abi da dei per tit ra businà

LETTORE

Va bein là a jo sa capì che is grup t'stanti a mandel si
parloma d'auter e domij in tai ca posu finì
speranda d'vei pasà in'ura fandvi divertì
l'è neinta ca jabu der preteisi d'fev sbalurdì.
A soma ammachi trei giuvnot cas trovoma ticc i venerdì
e scriveinda d'ist e d'cul andoma a serchesi di gratachi.

Pensè che a ra vila, per ra puisia ui n'è iein pì taià,
cuch ani andrera in fugaron special l'ava urganisà
però poi l'è pensà che per ra Vila l'era an pò trop refinà.
E speranda cu s'ia peinsa , per er mumeint as soma rangià,

Cuca speransa noi ar'oma, dato che st'istà,
ticc i l'an vist andè an gir an bicicletà da què e da là
rablandsi drera di barlafis beia 'ulipà
e bitjiansi a l'ombra a pitirè er' i'ulfin murunà

Eh! S'ij peinsi, d'ant'er capali an cò di Linà
e po ancora da ra balostra fina ans'er Bià
se't bucali perchè ant'er gran t'ai face ra strà
l'ombra!! Ehh!! S'tei seisa capleina tei bela sasinà

Andanda anveci dar buion a san Damian
o magari dau serbon fina au sivan
der pianti tna trovi e per sbagliu anca cuc fasan,
ma se t'sghij ant l'eua ar masim t'sghampi fina 'dman

Parloma neinta se a riva a Tani t'vai a fè na spasigià
da Bacolini ,fina an poncia d'Berb , fanda u rivà
ut tuca ciamè er permes a tre o quater auturità
e per bein cat vaga t'sorti bela 'mmerdà

Però,....,diomli bela pian nè per carità!!
S'u jè bein tit ist sunadi per er noster cuntrà,
bein cme a ra vila ant nein post u sa stà
e anlura la soma perdi tit cul cui va mà

E po ades a soma rivà fina a carvè,
bso fè dar burdel e voi iv devi 'nciuchè
e si vorì che a cà vostra av lasu 'ndè
prima csi lè 'ntera iv devi aruitè.

E po se per forza im vorì criticchè
fel pira anca 'des seinsa spiciè
antant al soma , prima o dop cui cos da dì u jè.
Perchè a ra vila seinsa critichi neinta us po fè.

E ades andè pira e salitè a ca
che noi a joma finì d'fè der nuvità
e av spicioma st'an ch'ven turna per ra businà
e per radunev ticc ansema ant ra Sucieta.

++++++

Villa del foro

FIRMATO

I MAESTRI DI DANTE A.